



Republika e Kosovës
Republika Kosova
Republic of Kosovo



REPUBLIKA E KOSOVËS/REPUBLIKA KOSOVA/REPUBLIC OF KOSOVO
KUVENDI KOMUNAL/ASSEMBLY OF MUNICIPALITY/SKUPŠTINA OPŠTINE
SKENDERAJ

Nr. No. 01-060/01-0034329/24

Data Date 22.07.2024



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-110-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës 07.06.2024, ora 14:00.

Në këtë mbledhje janë diskutuar këto pika:

1. Fjala hyrëse;
2. Miratimi i rendit të ditës;
3. Shqyrtimi i procesverbalit nga mbledhja e kaluara;
4. Propozim-vendim për rishqyrtimin e vendimit Nr.01-020/01-0016897/24, i datës 03.04.2024, për themelimin e komisionit të kuvendit komunal për zgjedhjen e këshillave lokale, me Nr.02-020/01-0023062/24, të datës 15.05.2024, (Raporton Kryetari i Komunës **z. Fadil Nura**);
5. Propozim-vendim për shfuqizimin në tersi të vendimi Nr.01-020/01-0016899/24, të datës 03.04.2024, për formimin e komisionit për ndarjen e banesave për familjet (të ngushta) të Dëshmorëve të UÇK-së, me Nr.02-020/01-0023060/24, të datës, (Raporton Kryetari i Komunës **z. Fadil Nura**);
6. Propozim-vendim për shfuqizimin në tersi të vendimi Nr.01-020/01-0016898/24, i datës 03.04.2024, për themelimin e komisionit të kuvendit komunal për shqyrtimin e ankesave përkitazi për ndarjen e banesave për familjet e Dëshmorëve të UÇK-së, me Nr.02-020/01-0023061/24, të datës 15.05.2024, (Raporton Kryetari i Komunës **z. Fadil Nura**);
7. Propozim-vendim për miratimin paraprak të vendimit për të zhvilluar procedurat përmes konkurrimit të hapur për dhënie në shfrytëzim afatgjatë prej 1 (një), deri 99 (nëntëdhjetë e nëntë) vite pronën e paluajtshme të komunës objektin banesor që gjendet në parcelën P-72015063-00671-0, me Nr.02-463/01-0023751/24, të datës 21.05.2024, (Raporton Kryetari i Komunës **z. Fadil Nura**);
8. Propozim-vendim për miratimin e vendimit për formimin e komisionit për zbatimin e procedurave dhe vlerësimin e ofertave për dhënie në shfrytëzim afatgjatë deri 99 (nëntëdhjetë e nëntë) vite pronën e paluajtshme të komunës objektin banesor që gjendet në parcelën P-72015063-00671-0, me Nr.02-020/01-0023754/24, të datës 21.05.2024, (Raporton Kryetari i Komunës **z. Fadil Nura**);
9. Propozim-vendim për këmbimin e pronës së paluajtshme të komunës së Skenderajt, me pronën e paluajtshme të personit fizik Mujë Hoti, me Nr.02-463/01-0023907/24, të datës 22.05.2024, (Raporton drejtoresha e DGJKP-së, **znj. Blerta Dobra-Geci**);
10. Propozim-vendim për këmbimin e pronës së paluajtshme të komunës së Skenderajt, me pronën e paluajtshme të personit fizik juridik Ismet I. Mustafa B.I, me Nr. 02-463/01-0023908/24, të datës 22.05.2024, (Raporton drejtoresha e DGJKP-së, **znj. Blerta Dobra-Geci**);
11. Propozim-vendim për rishqyrtimin dhe miratimin e dokumentit Strategjia për Zhvillim Ekonomik Lokal 2024-2028 për Komunën e Skenderajt, të harmonizuar sipas kërkesës së MAPL-së, me Nr.12-313/01-0023818/24, të datës 21.05.2024, (Raporton Drejtoresha e DZHENIT-së, **znj. Besarta Meha-Ademi**);

12. Propozim-vendim për miratimin e Programit komunal trevjeçar për banim 2024-2026, në Komunën e Skenderajt, me Nr.08-060/01-0023492/24, të datës 20.05.2024, (Raporton drejtoresha e DSHMS-së, **znj.Rrezarta Hasani-Ibrahimi**);
Pika shtesë:
13. Propozimi-vendimi, për shpalljen “**Qytetar Nderi**” të Komunës së Skenderajt **z. Bardhyl Mahmuti**, më Nr.02-170/02-0026395/24, të datës 25.01.2022, (Raporton Kryetari i Komunës **z. Fadil Nura**);
14. Pyetjet e këshilltarëve nën pikat të ndryshme

Kryesuesja e Kuvendit, znj. Adelina Spahiu: I nderuar kryetar i komunës z. Fadil Nura, të nderuar anëtar të kuvendit, drejtor të drejtorive, shoqëri civile dhe gjithë ju të pranishëm, Kjo seancë është thirrur për datën 30.05.2024, në ora 10:00, po është shtyre për datën 07.06.2024, për ora 14:00, për arsye të agjendës së ekzekutivit. Shkojmë në konstatime të kuorumit në sallë janë 29 anëtar, mungon me arsye Arjeta Rama, ndërsa i bashkëngjitet mbledhjes Sala Jashari.

Para se të fillojmë me miratimin e rendit ditës, e kam një kërkesë, autorizim nga Sala Jashari që ta lexoj një deklaratë të saj:

“Unë, Sala Jashari anëtare e Kuvendit komunal të Skenderajt e zgjedhur në zgjedhjet e 17 tetorit 2021, nga votat e qytetarëve të komunës së Skenderajt, nga sot e tutje do të vazhdoj të jepe kontributin time duke ju bashkuar grupit parlamentar të PDK-së dhe do të vazhdoj të jem zëri i qytetarëve të komunës së Skenderajt për të gjitha çështjet në interes publik”.

Shkojmë me miratimin e rendit ditës, e hap debatin, fjalën ja kaloj:

Hysni Mehani-VV: Fjala përshëndetëse, siç edhe jemi marr vesh, unë besoj të parimi kur merrmi vesh, sepse sot është dashur me ardhur me informatë, në raportim drejtori i bujqësisë, drejtori i dallaveve e i hajnisë Behxhet Maliqi, dhe po propozoj pikë shtesë për rend dite me raportua Behxhet Maliqi, dhe me krijua një komision hetimor, ose nëse doni një komitet konform udhëzimit administrativ e cila e mbikëqyrë punën e kësaj drejtorie, kur ka tash dëshmi për hajni, mi thanë hajn nuk është fyerje, është konstatim i të vërtetës. Tash unë po e bëj arsyshmerin e propozimit, së pari në thirrje që e ka bë ky zotëria për grande dhe subvencione askund nuk i referohet bazës ligjore, sepse çdo thirrje duhet me e pas bazën ligjore, edhe rregullorja për subvencione i ka kategoritë e veta, kur të banë një thirrje e ti jepesh qytetarit pare e ti merresh pare duhet me bë konform bazës ligjore. Këto logjika së këto janë ndihma, e me qenë së janë ndihma, e hajt se nuk ka gajle, kjo është me e keqe po dashka me i vjedh edhe ndihmat, së nuk po mjaftojnë edhe këto tjerat, po mi vjedh edhe ndihmat. Këtu e kam listën e përfituesve për makina mbjellës të misrit, ku tash është e qartë që disa prej tyre ju ka marr makinat, për shkak së është vërtetua që ka shkelje të jashtëzakonshme. Unë e kam rregulloren për subvencione që në asnjë rrethanë nuk është zbatua dhe ka dy muaj që po e bëj një tentim me kuptua një proces qysh ka zhvillua, tu kërkua qasje në dokumente zyrtare. Dje më është thënë me kanë thirrur prej Asgjësisë për informim dhe privatësi, çka është tu ndodh së hala nuk e kemi të qartë, së komuna po thotë po ju duhen me shume kohe, unë po kërkuj qasje në dokumente zyrtare që dy muaj për me hetua çka po ndodh me një proces së në Skenderaj këtë bujqësi e kemi edhe kjo është kontaminua e është shkatërrua tërësisht prej këtij njeriu. Unë gjatë qasjes në dokumente zyrtare për me pa punën qysh i ka vlerësua komisioni komunal këtë procesin e dhënies të këtyre subvencioneve të makinave mbjellëse të misrit, komisioni ma ka dhënë një letër zhgarravin pa vule pa numër protokolli pa asnjë dëshmi që thotë së është dokument zyrtar, edhe në fund për krejt personave përfitues janë poentua me kimikë dhe vlerësimi nuk është bë në kohen reale, po pas kërkesës time, për qasje në dokumente zyrtare. Dhe kur kam shkua në zyrën e drejtorisë së bujqësisë anëtarët e komisionit kanë thënë as që i kemi marr

parasysh kriteret që ka qenë kriter me i pas të mbjellura me misër 2ha, pra as që i kanë hapur dokumentet e njerëzve, së qysh kanë me ja dhënë këto grande në bujqësi. Edhe në anën tjetër këtu kemi të bëjmë me një shkëlqje të Udhëzimit administrativ Nr.15/2016, ku thotë: së një fermer duhet me pas një nif, nuk mundet me i pas një fermë dy tre nifa, këtu shkojnë deri në 5 nifa, nga e njëjta familje veç e ndërron. Nif për fermën është letërnjoftim, të njëjtit njerëz përfitojnë nga dy tri herë, edhe a e dini çka kanë Behxhet Maliqi në thirrje, thotë; kërkohet nif nëse ka, po nëse së ka nuk prish punë së ja dhajna apër, çfarë kriteri është ky nëse e ka, mandej vet në kriter ka thënë që aplikuesi duhet me pas të mbjellura për vitin 2023 këtë kulturë dhe planifikohet të mbjellët edhe për vitin 2024. Unë kam kërkuar në AZHB, për 21 emrat përfitues për makina mbjellëse, për 21 emra përfitues, 10 prej tyre komisioni ja ka shënuar ka 2 ha, 10 përfitues kanë me zero ari misër të mbjellur dhe ka përfituruar makinë mbjellëse të misërti, pra edhe e ka qitë kriter vet edhe e ka shkelur, çka dua me thënë ne jemi kuvend komunal, ne jemi asamblist jemi përfaqësues të qytetarëve, bujqësinë e ka Skenderaj nuk mundem me ja lenë këtë përgjegjësi me shkatërrua, ose mundeni me ja lenë së e keni shumicën, amo duhet me i thënë me emër një njeri që është i shkarkuar prej pune prej detyre për keqpërdorim dhe korrupsion dhe nuk po duam me lanë Skenderajn me u bë strehë e njerëzve të shkarkuar për korrupsion dhe me shkatërrua edhe bujqësinë e Skenderajt.

Naser Bajraktari-IDEAL: Fjala përshëndetës, Ne grupi i asamblistëve të IDEAL-it e mbështesim propozimin për piken shesë të rendit të ditës të propozuar nga z. Hysni Mehani. Arsyeja që ne e mbështesim iniciativën e Hysni Mehanit jam të shumta pasi që ky drejtor nuk është i përgjegjshëm për punën dhe përgjegjësin të cilën e ka karshi obligimeve ligjore për raportim para kuvendi komunal në Skenderaj. Drejtorja për Bujqësi, Pylltari dhe Zhvillim Rural -Edhe gjate planifikimit të buxhetit ka qenë shume e qarët se ky drejtor nuk është i përgjegjshëm karshi kërkesa dhe premtimeve të dhëna gjate fushatës 2021. Duke pare buxhetin qe keni planifikuar për këto tri vite qeverisje me te vërtet ka qenë për të ardhur keq, duke pare keq menaxhimin dhe keq përdorimin e grandeve dhe subvencioneve qe keni dhënë për këto tri vite jo për fermerët por vetëm militanteve partiak para kurrfarë aktiviteti bujqësore. Buxheti i parapare për këto tri vite qeverisje për subvencione dhe shpenzime kapitale ka qene mbi 600,000 € qe nënkupton papërgjegjësi dhe keq menaxhim me grande nga ky drejtor. Ju drejtori nuk keni sjell raportin zyrtar për mbështetjen qe ky kuvend ka dhënë për ndarja e mjeteve financiare 5,000€ për fermerin Armend Thaçi dhe fermerin Milaim Xani, Dasheci. Unë personalisht i kam përkrah këto propozime për mbështetje financiare tek fermerët si Armend Thaçi dhe Milaim Xani. Nga ju kërkoj raportin zyrtar për mënyrën e shfrytëzimit të këtyre mjeteve se a kanë shkuar ne destinacionin e duhur apo janë keq menaxhuar nga ana juaj apo nga ana e fermerëve të lartcekur. Nga ky kuvend kërkoj që të formohet një komision për vlerësimin dhe mbikëqyrjen e këtyre mjeteve dhe grandeve të shpërndara nga Drejtorja për bujqësi. Po ashtu kërkoj edhe një komisionin nga kuvendi për verifikimin e grandeve të shpërndara për vitin 2022, 2023 dhe 2024 pasi qe ka dyshime se po përkrahën jashtëligjshëm shumica e fermerëve. Ne kemi dëshmi dhe fakte se po jepni grande nga dy tri here të njëjtëve fermerë dhe po i eliminon fermerët meritore qe kane prioritet bujtësinë, e njeri nder ta është edhe kolegu ynë asamblist, qe e keni refuzuar kinës nuk ka ujit të mjaftueshëm, ku dihet se komuna para tri viteve e ka mbështet ne hapjen e pusit për qëllime bujqësorë. Po ashtu kërkoj që ti publikoni listat e vlerësimit të fermerëve nga komisioni për arsyeje e eliminimit nga mbështetja me grande për këto tri vite me radhe?. Edhe ne seancën e datës 30.01.2023 për planin e drejtorisë për Bujqësi në Komunën e Skenderaj kam qene kritik shume i arsyeshme duke ditur kapacitetin dhe aftësinë menaxhuese të këtij drejtori te pa përgjegjshëm dhe jo profesional për sektorin e bujtësisë. Ne vitin 2023 keni pasur kërkesa edhe nga vete fermerët për subvencionim për litër të qumështit, të cilin

premtim të dhen në zyrën e kryetari ka rezultuar me mashtrim dhe pa përgjegjshmëria e juaj karshi kërkesave dhe përimtimeve të dhëna fermerëve për mbështetje. Ju si drejtor nuk jeni duke i trajtuar si duhet kërkesat e tyre, andaj kërkoj edhe një here që të mbështeten fermerët meritore jo të ju jepen premtime boshe. Edhe në seancën e datës 28.09.2023 kam paraqitur shqetësimet dhe problemet e fermerëve të komunës së Skenderajt referoju procesverbalit të kësaj seance e shihet serioziteti i juaj. Çka do ju thoni fermerëve në lidhje me kërkesat e tyre për mos mbështetje në subvencionim e prodhimeve dhe imputove të tyre bujqësorë?. Unë dhe gjatë seancës së datës 28.09.2023 kam ofruar mbështetjen po ju nuk keni qenë bashkëpunues unë e kam dhen se ju nuk po keni ide se si të adresoni kërkesat e tyre, unë edhe vitin e kaluar ju kam ofruar mbështetje për ide dhe këshilla, edhe këtë vite shpreh gatishmërinë të jep kontributin tim me këshilla si asamblist se çka është me prioritet sektori i bujqësisë në komune të Skenderajt. Drejtorja për Bujqësi, Pylltari dhe Zhvillim Rural në seancën e datës 28.12.2023? Në baze të planit të kësaj drejtorie për vitin 2024 nuk keni parapare projekte dhe ide të reja për mbështetjen e fermerëve të komunës së Skenderajt. Unë edhe gjatë seancave të kaluara kam kërkuar mbështetje konkrete për fermerët e vyer të komunës sonë e jo për militant të PDK-së dhe të ashtuquajtura fermës in ekzisten që nuk merren me bujqësi e të cilët përkrahen vazhdimisht me grande. Andaj kërkoj nga ju koleg që ta votoni së është një sene i mirë se unë jam për me i dhënë prioritet atij fermeri që punon.

Mentor Mehmeti-PDK: Fjala përshëndetëse, sa për me relaksua pak situatën desha me falënderua skulptorin Sadri Behramaj, për punimin e shtatorës së Leutrim Ahmetit që e ka prua një pjesë të historisë, si dhe përkrahjen e kryetarit, që do të vendoset këtu në Skenderaj. Për këtë çka u thanë grupi parlamentar i PDK-së nuk e dinë, nuk kemi komente, hajn është veç kur vërtetohet gjykata, dhe këtu në kuvend ju kisha lutë mos me quajtur njeri tjetrin hajn pa dokumentacion.

Kryesuesja: Fjalën ja kaloj:

Drejtori i DBPZHR-së, Behxhet Maliqi: Fjala përshëndetëse, Hysni nuk të pata borxh gjë më ofendua, të kërkoj zyrtarisht e publikisht me tregua çka kam vjedh, nuk jam shkarkuar për keqpërdorime as për hajni, jam shkarkuar së kam menduar, mendoj dhe vazhdoj me mendua ndryshe prej Albin Kurtit, për arsye së këtij njeri liria e këtij vendi nuk i ka kushtuar sene i ka ardhur fal, e të tjerëve këtij vendi i ka kushtuar shume. Sa i përket asaj mos e manipulohet opinionin publikë së zyrtaret t'kanë treguar qartë, së kanë pas persona që i kanë vetë, përfituesit e subvencioneve që janë në emër të babës- vëllait që jetojnë bashkë nuk mundën me aplikua mos u mundo me dezinformua opinionin publik. Të përgëzoj që tre anëtar të LVV, në fshatin Rezallë ja keni dhënë ka një subvencion ka 100 mijë €, kjo është e vetmja arritje që e ke bë ti për këtë vend, së është shume mirë së edhe ata janë fermerë që punojnë token. Po nuk është në as një rrethanë atë çka po e thua ti, për shpifje për hajni zatetem në gjykatë, unë as familja ime nuk e ka në planë me ofendua dikën, për arsye për me ardhur në këtë vend na ka kushtua shume, unë as nuk të thash hajn, as nuk të ofendoj, së nuk është në natyrën time. Ndërsa për çështjet tjera merri si personal së kur ti thua dikuj hajn, me tregua së çka kam vjedh, unë as familja ime as 1€ të ndërmarrjeve publike sa në institucione publike nuk e këna marr përveç pagave, e as subvencione, përveç një grandit që vajza ime e ka fitua prej qeveris të Kosovës vitin e kaluar me thirrje publike. Naser e kuptoj shqetësimin tënd, sot në dëgjime buxhetore disa fermerëve ju thash, që për neve është e jashtëligjshme me i subvencionua dy herë të njëjtat çështje, kemi qenë në kontakt me komunën e Mitrovicës një diçka të tillë. Kemi me vazhdua kështu dhe jemi me qua përpara programin ideal të PDK-së e jo programin e Idealit, kur të kish mundësi me ardhur në pushtet qoj përpara programet tua, të falënderoj për mbështetje, dhe ne e kemi një program që i kemi marr votat e qytetarëve dhe atë program kemi më bë.

Kryesuesja: Me kaq mbyllet debati shkojmë në votim për futjen në rend dite propozimin e Hysni Mehanit, konstatojmë me (12) vota për, (17) kundër dhe (0) abstenim, propozimi i Hysni Mehanit nuk futet në rend dite, për me Raportua Drejtori i Bujqësisë, dhe me krijua një komision het imor, e cila e mbikëqyrë punën e kësaj drejtorie. Fjalën ja kaloj:

Naser Bajraktari-IDEAL: Masi nuk doni me votua një diçka që ka qenë në të mirë të juaj, ne nga sot kërkojmë nënshkrimet e anëtarëve për me thirre një seancë të jashtëzakonshme për me raportua drejtori i bujqësisë.

Hysni Mehani-LVV: Po i thamë drejtorit që më vjedh nuk nënkupton ti veç me vjedh, po vjedhje është edhe me ja vjedh dikujt mundësin, e ti fermerëve të vërtetë ja ke vjedh mundësin, ja ke hekë token që e kanë pas në dokumentacion, e ke poentua shumë me pak, kjo është vjedhje e mundësisë, po unë jam i bindur së ti vjedh edhe kështu, po unë jam ka foli për ketë lloje të vjedhjes, së kur e banë ketë vjedhje e banë edhe atë vjedhje. Ti duhesh me u përgjigj, po nëse nuk ki diçka me m'shefe pse po na maltretonë, hajde të bëjmë komisionin hajde të hetojmë, dhe nëse ka me dal qysh po thua këtu ka metë kërkuja falje. Kur po thoni që s'kam dokumentacion, unë që ku i kam dokumentacionin, që AZHB-ja për 10 persona i kanë zero ari misër, e ti ja ke shënua 20 pikë se i kanë ka 2 ha, e kjo është vjedhje drejtor së ke mashtrua. Edhe udhëzimi administrativ që e ka nënshkrua Memli Krasniqi thotë; që një ferme duhet me pas një nif, nëse një ferme i ka me shume se dy nifa duhet me u diskualifikua mos me përfitua hiq, sepse nifat tjerë krijohen vetëm për me vjedh, sepse ti i krijon krejt këto sepse e din fort mirë ketë, e nuk mundesh me mohua, sepse nuk je tu punua barabartë për krejt qytetaret, po je tu ja vjedh mundësin dikujt tjetër, e me favorizua dikën tjerët.

Kryesuesja; Dikush tjetër nëse nuk ka, konstatojmë me (17) vota për, (4) kundër dhe (0) abstenim, Miratohet Rendi i Ditës, ju njoftojmë së Sala Jashari është bashkangjitur mbledhjes, ja kaloj fjalën, sepse po e kërkon.

Sala Jashari-PDK; Fjala përshëndetëse, nga të gjithë eksperiencat e mija kam mësua diçka, ndryshime të mëdha nuk bëhen vetëm, po vetëm më gjithë të tjerët, andaj sot unë bashkohem grupit parlamentar të PDK-së, në mënyrë që ti arrimë qëllimet tona në të mirë të te gjithë qytetarëve. Mendoj që rizgjedhja është e nevojshme duke e lidhur ngushtë me dëshirën e madhe që kam për të dhënë kontributin tim në të mirë të te gjithëve pa marr parasys bindjeve, kështu që ju mirëpresim të gjithëve për bashkëpunime.

Vazhdojmë me piken 3 të rendit të ditës,

Shqyrtimi i procesverbalit nga mbledhja e kaluara, e hapë debatin, nëse nuk ka konstatoj me (25) vota për, (0) kundër dhe (0) abstenim, miratohet procesverbali nga mbledhja e kaluar.

Kryesuesja; Faleminderit Sala, vazhdojmë me piken 4 të rendit të ditës,

-Propozim-vendim për rishqyrtimin e vendimit Nr.01-020/01-0016897/24, i datës 03.04.2024, për themelimin e komisionit të kuvendit komunal për zgjedhjen e këshillave lokale, me Nr.02-020/01-0023062/24, të datës 15.05.2024, (Raporton);

Kryetari i Komunës Fadil Nura; Fjala përshëndetëse, para vetes e keni propozim-vendim për rishqyrtimin e vendimit për themelimin e komisionit të kuvendit komunal për zgjedhjen e këshillave lokale, nga seanca e kaluar që ministria ka kërkuar plotësimin e këtij komisioni, sepse në seancën e kaluar ka pas një jo vullnet për me qenë pjesë e këtij komisioni sidomos nga partitë e subjektet tjera opozitare, dhe propozoj që ta plotësoni ketë komision.

Kryesuesja; E hap debatin, fjalën ja kaloj:

Abdulla Gashi-IDEAL: Kryetar propozim-vendim për rishqyrtimin e vendimit për themelimin e komisionit të kuvendit komunal për zgjedhjen e këshillave lokale, prapë një vendim i kthyer mbrapsht si rezultat i punës jo profesionale nga ana juaj dhe të stafit tuaj, dhe disa here kemi

kërkuar të përfshihen gjitha partitë neper komisione pa marr parasysh subjekteve politike dhe nuk është e vërtetë që nuk ka pas interesim, shikoje procesverbalin e mbledhjes të kaluar, nuk janë të përfshira as në komisionin për dhënien e banesave për familje të dëshmorëve. E përgëzoi MAPL-në, e cila ka fillua të reflektoj që i ka kthyer këto propozime të kundërligjshme, dhe kërkoi që të jeni sa me të sigurtë në propozim vendime, dhe të përfshihen nëpër komisione gjitha partitë politike, e jo vetëm partia PDK.

Hysni Mehani-LVV: Mos thoni tani po përdor fjalë të renda, së kur të rren, rren, mundem me thanë po gënjeni po prapë është njëjtë, shiko procesverbalin e mbledhjes të kaluar, dhe në arsyetim keni thënë; subjektet tjera politike për zgjedhjen e këshillave lokale duke i dhënë mundësi së cilit subjekt politik në këtë komision po të njëjtit nuk kanë shprehur interesim. Unë jo që kam shprehur interesim, po kam bërë ankesë në MAPL, për mos përfshirjen në këto komisione subjektet tjera opozitare, dhe në procesverbal të mbledhjes kam folë për këtë çështje, ku kam thënë: Propozimi i anëtarit të PDK-së, është në kundërshtim me piken një (1) të propozim-vendimit, ku thotë; katër (4) anëtarë të kuvendit nga subjektet e ndryshme politike, e ftojë kolegun me i tërheq propozimet. Për anëtare të komisionit propozoj Floriana Halili-VV, pra po jeni në gjendje me thanë të pavërtetën për diçka që prezent janë 50 vetë, ka video incizim ka procesverbal, mos vetë për neve, e keni hup çdo kriter moral e njerëzor.

Kryesuesja; Fjalën ja kaloj:

Kryetari i Komunës Fadil Nura: Komisioni për zgjedhjen e këshillave lokale është nën autonomin e këtij kuvendi dhe ju ftojë partitë tjera opozitare ti bëjnë propozimet për plotësimin e këtij komisioni.

Kryesuesja: Shkojmë me propozime, fjalën ja kaloj:

Floriana Haliti-LVV: Për anëtar të komisionit për zgjedhjen e këshillave lokale, propozoj Hysni Mehani-LVV.

Afrim Kabashi-NSD; Për anëtar të komisionit për zgjedhjen e këshillave lokale, propozoj veten.

Kryesuesja: Shkojmë në votim që këta anëtar të jenë pjesë të komisionit të plotësuar edhe me dy anëtar nga opozita, si në vijim;

1. **Ilmi Kabashi** - anëtarë nga ekzekutivi,
2. **Liridona Koca** - anëtare nga legjislativi, PDK,
3. **Fikret Rexhepi** - anëtar nga legjislativi, PDK,
4. **Besiana Thaçi** - anëtare nga legjislativi, PDK,
5. **Abdulla Gashi** - anëtar nga legjislativi, IDEAL,
6. **Hysni Mehani** - anëtar nga legjislativi, LVV,
7. **Afrim Kabashi** - anëtar nga legjislativi, NSD,
8. **Milazim Mustafa** - anëtar nga shoqëria civile, Të jenë anëtar të komisionit për zgjedhjen e këshillave lokale konstatohet me (20) vota për, (8) kundër dhe (0) abstenim, formohet komisioni për zgjedhjen e këshillave lokale, plotësohet komisioni me anëtarët si me lart dhe miratohet Propozim-vendim për rishqyrtimin e vendimit Nr.01-020/01-0016897/24, i datës 03.04.2024, për themelimin e komisionit të kuvendit komunal për zgjedhjen e këshillave lokale.

Vazhdojmë me piken 5 të rendit të ditës:

-Propozim-vendim për shfuqizimin në tersi të vendimi Nr.01-020/01-0016899/24, të datës 03.04.2024, për formimin e komisionit për ndarjen e banesave për familjet (të ngushta) të Dëshmorëve të UÇK-së, me Nr.02-020/01-0023060/24, (Raporton);

Kryetari i Komunës Fadil Nura; Para jush e keni një propozim vendim për shfuqizimin në tersi të vendimi, për formimin e komisionit për ndarjen e banesave për familjet (të ngushta) të

dëshmorëve të UÇK-së, për faktin së kemi kërkesë që të futet Ligji për financimin e programeve të veçanta të banimit dhe Udhëzimet administrative që derivojnë nga ky ligj. E kemi diskutua edhe në seancën e kaluar së kategoritë e familjeve të dëshmorëve në këtë rast nuk mundem me i trajtua me këtë ligj, sepse ky ligj i përcakton aspektin social dhe kategoritë tjera sociale. Dhe qëllimi i përbashkët ka qenë se këto banesa këtyre familjeve me ju dhënë si dhurata, në respekt të gjakut të dëshmorëve, dhe propozoj të shfuqizohet ky vendim, dhe pika në vazhdim është për formimin e komisionit dhe të aplikojmë ligjin për dhënien në shfrytëzim të pronës, që e kishin aplikua disa komuna tjera.

Kryesuesja: E hap debatin, fjalën ja kaloj;

Osman Smajli-IDEAL: Fjala përshëndetëse, kryetar me sa e di ke qenë një mandat deputet i kuvendit, dhe e dimë që familjet e dëshmorëve nuk e kanë një ligj të veçantë, përse në të kohë nuk keni bërë kërkesë për me pas një ligj kjo kategori, e jo me i lënë në këtë fat, këtë kategori?

Hysni Mehani-LVV: Është shumë e rëndësishme me na sqarua qysh ka me ec tutje ky proces, së nuk është se i kam të qarta të gjitha ligjet dhe tash me ligjin e ri në fuqi është e pamundur krijim i një kategorie të veçantë, ku vendoset vetëm një kategori e veçantë, a kanë me na sqarua qysh ecet tutje, pra a e keni të qartë përse është kthyer çka kërkohet?

Abdulla Gashi-IDEAL: z. Nura kisha pas dëshirë me hollësisht me na tregua përse është kthyer ky vendim negativ nga MAPL-ja, dhe gjatë seancës së kaluar kam kërkuar që mos të ngutem me këtë vendim?

Musa Fazliu-IDEAL: Fjala përshëndetës, me qenë së jam anëtar i këtij komisioni, kam pas thirrje prej shumë familjarëve të familjeve të dëshmoreve, dhe brenga e tyre është së qysh do të bëhet shpërndarja e këtyre banesave, dhe përgjigja ime ka qenë së ende nuk kemi marr përgjigje nga MAPL-ja për vendimin. Tu kisha lut kryetar mos të ngutem së kjo kategori është shumë e ndjeshme, dhe 25 vite masë lufte kishe familje dëshmoreve që nuk kishin strehim dhe kjo është marrja me e madhe e PDK-së që kur kam qenë edhe unë anëtar në këtë parti, dhe të mos ngutem më këtë vendim.

Kryesuesja: Fjalën ja kaloj;

Kryetari i Komunës, Fadil Nura: Faleminderit të gjithëve për kontributin, kritikën, sugjerimet, po i marr si të mirëqena, unë kam qenë deputet i kuvendit nga opozita, dhe një kërkesë për një ligje të tillë duhet me marr miratimin e shumicës, dhe duhet minimumin e njohurive për një pyetje të tillë, dhe tash kemi me aplikua Ligjin për dhënien në shfrytëzim të pronës së paluajtshme, që e kanë aplikua disa komuna tjera, këtë ligj.

Kryesuesja: Fjalën ja kaloj;

Hysni Mehani-LVV: Ma shumë në aspektin procedural çështje teknike kjo fjalia Gllavica duhet të tërhiqet prej propozimit mos me ekzistua sepse po tingëllon jo mirë sepse është fjale serbe, sepse nesër jepen këto banesa, familjeve të dëshmorëve ndoshta kjo fjali dikën ka me pengua, për mendimin tim.

Kryesuesja: Fjalën ja kaloj;

Besiana Thaçi-PDK: Fjala përshëndetës, tu e pas parasysh së Hysni Mehani është përfaqësues i LVV, në këtë kuvend, me thanë drejtën u befasova që e paska pengua një fjali serbisht, tu e pas parasysh së shefja e grupit parlamentar Mimoza Kusari i shprehet serbisht, shqip, e këtu po e pengon një fjali serbisht, është absurde.

Kryesuesja: Fjalën ja kaloj;

Kryetari i Komunës, Fadil Nura: Ato emra ne gjuhen serbe ekzistojnë fatkeqësisht në sistemin kadastral, dhe ne nuk mundemi me i ndryshua, sepse ato emra e verifikojnë pronën në certifikatë që nxjerrët nga sistemi.

Kryesuesja: Dikush tjetër, nëse nuk ka, konstatojmë me (16) vota për, (2) kundër dhe (5) abstenim miratohet Propozim-vendim për shfuqizimin në tersi të vendimi Nr.01-020/01-0016899/24, të datës 03.04.2024, për formimin e komisionit për ndarjen e banesave për familjet (të ngushta) të Dëshmorëve të UÇK-së.

Vazhdojmë me piken 6 të rendit të ditës:

-Propozim-vendim për shfuqizimin në tersi të vendimi Nr.01-020/01-0016898/24, i datës 03.04.2024, për themelimin e komisionit të kuvendit komunal për shqyrtimin e ankesave përkitazi për ndarjen e banesave për familjet e Dëshmorëve të UÇK-së, me Nr.02-020/01-0023061/24, të datës 15.05.2024, (Raporton);

Kryetari i Komunës, Fadil Nura; Para vetes e keni Propozim-vendim për shfuqizimin në tersi të vendimi për themelimin e komisionit të kuvendit komunal për shqyrtimin e ankesave përkitazi për ndarjen e banesave për familjet e Dëshmorëve të UÇK-së, i njëjti është si propozimi paraprak vetëm ky është për komision të ankesave, ju ftojë me përkrah.

Kryesuesja: E hapë debatin, nëse nuk ka, konstatojmë me (15) vota për, (2) kundër dhe (2) abstenim, miratohet Propozim-vendim për shfuqizimin në tersi të vendimi Nr.01-020/01-0016898/24, i datës 03.04.2024, për themelimin e komisionit të kuvendit komunal për shqyrtimin e ankesave përkitazi për ndarjen e banesave për familjet e Dëshmorëve të UÇK-së.

Vazhdojmë me piken 7 të rendit të ditës:

-Propozim-vendim për miratimin paraprak të vendimit për të zhvilluar procedurat përmes konkurrimit të hapur për dhënien në shfrytëzim afatgjatë prej 1 (një), deri 99 (nëntëdhjetë e nëntë) vite pronën e paluajtshme të komunës objektin banesor që gjendet në parcelën P-72015063-00671-0, me Nr.02-463/01-0023751/24, të datës 21.05.2024, (Raporton:

Kryetari i Komunës Fadil Nura; Para vetes e keni Propozim-vendim për miratimin paraprak të vendimit për të zhvilluar procedurat përmes konkurrimit të hapur për dhënien në shfrytëzim afatgjatë prej 1 (një), deri 99 (nëntëdhjetë e nëntë) vite pronën e paluajtshme të komunës objektin banesor që gjendet në parcelën P-72015063-00671-0, për familjet e ngushta të dëshmorëve, materialin e keni para veti, jam këtu për përgjigje.

Kryesuesja: E hapë debatin, nëse nuk ka, konstatojmë me (16) vota për, (6) kundër dhe (1) abstenim miratohet Propozim-vendim për miratimin paraprak të vendimit për të zhvilluar procedurat përmes konkurrimit të hapur për dhënien në shfrytëzim afatgjatë prej 1 (një), deri 99 (nëntëdhjetë e nëntë) vite pronën e paluajtshme të komunës objektin banesor që gjendet në parcelën P-72015063-00671-0

Vazhdojmë me piken 8 të rendit të ditës:

-Propozim-vendim për miratimin e vendimit për formimin e komisionit për zbatimin e procedurave dhe vlerësimin e ofertave për dhënien në shfrytëzim afatgjatë deri 99 (nëntëdhjetë e nëntë) vite pronën e paluajtshme të komunës objektin banesor që gjendet në parcelën P-72015063-00671-0, me Nr.02-020/01-0023754/24, të datës 21.05.2024, (Raporton;

Kryetari i Komunës Fadil Nura; Ky propozim vendim ka të bëjë me formimin e komisionit që ka me u marr me procedurën dhe zbatimin e kriterëve deri në fazën kur vjen vendimi në kuvend, komisioni propozoj të jetë aj që ka qenë, përjashtimisht një anëtar nga kuvendit të zëvendësohet me një anëtar nga ekzekutivi, sepse ligji për dhënien në shfrytëzim të pronës e përcakton kështu 2 anëtar nga ekzekutivi, 2 legjislativi dhe një anëtar shoqëria civile, ose Miradija ose Besiana të deklarohen që të tërhiqen, që të zëvendësohen me Armend Musliun, që është shërbyes civil në DSHMS-së.

Kryesuesja: Fjalën ja kaloj;

Hysni Mehani-LVV: Tash është procedurë e re, dhe duhet me formua një komision krejt të ri, të natyrës të re, çka po thotë Nura, këtë mundet me thanë në parti, jo këtu, sepse këtu është një procedurë krejt tjetër dhe duhet një komision i ri.

Kryesuesja: Fjalën ja kaloj;

Kryetari i Komunës, Fadil Nura: Hysni komisioni është i njëjtë, i natyrës së njëjtë, me kompetenca të njëjta vetëm një anëtar ndryshon behën dy anëtar nga legjislativi.

Kryesuesja: Kërkojë njëra nga anëtarët e kuvendit të deklarohen së cila të tërhiqet nga komisioni, që të zëvendësohen nga anëtarët i ekzekutivit Armend Musliu, fjalën ja kaloj;

Besiana Thaçi-PDK: Atëherë unë tërhiqem nga ky komision në mënyre shume të vullnetshme.

Kryesuesja: Atëherë shkojmë në votim Konstatojmë me (16) vota për, (5) kundër dhe (3) abstenim, miratohet zëvendësimi i anëtares Besiana Thaçi me anëtarin nga ekzekutivi Armend Musliu, dhe Propozim-vendim për miratimin e vendimit për formimin e komisionit për zbatimin e procedurave dhe vlerësimin e ofertave për dhënien në shfrytëzim afatgjatë deri 99 (nëntëdhjetë e nëntë) vite pronën e paluajtshme të komunës objektin banesor që gjendet në parcelën P-7201 5063-00671-0, me këtë përbërje të komisionit:

1. **Albinot Mehmeti** – anëtar nga ekzekutivi,
2. **Armend Musliu** - anëtar nga ekzekutivi,
3. **Miradije Buliqi** - anëtare nga legjislativi, PDK,
4. **Musa Fazliu** - anëtar nga legjislativi, IDEAL,
5. **Brahim Misimi** - anëtar nga shoqëria civile (ShFD e UÇK-së).

Vazhdojmë me piken 9 të rendit të ditës:

-Propozim-vendim për këmbimin e pronës së paluajtshme të komunës së Skenderajt, me pronën e paluajtshme të personit fizik Mujë Hoti, me Nr.02-463/01-0023907/24, të datës 22.05.2024, (Raporton kryetari i komunës n' mungesë drejtoreshës);

Kryetari i Komunës, Fadil Nura: Para vetes e keni Propozim-vendim për këmbimin e pronës së paluajtshme të komunës së Skenderajt, me pronën e paluajtshme të personit fizik Mujë Hoti, ky këmbim ka të bëjë në fshatin Marinë, ju ka marrë prona për rrugë, personi ka bë kërkesë për këmbim.

Kryesuesja: Fjalën ja kaloj;

Hysni Mehani-LVV: A këna të bëjë me propozim vendim për këmbim të pronës me person fizik, a me rishqyrtim të vendimit sepse vendimi është në kundërshtim me paragrafin 5 të nenit 25 të ligjit Nr.06/L-092, a jena tu e bë rishqyrtimin e vendimit a jena tu e bë një propozim prej fillimit a e keni të qartë së çka po propozoni.

Kryesuesja: Fjalën ja kaloj;

Kryetari i Komunës, Fadil Nura: Kemi procedurë të re të këmbimit, për arsye së rastet e tilla kur ka kërkesë për këmbim nga personi, propozimi duhet të iniciohet nga kryetari dhe për atë duhet procedurë e re, sipas rekomandimeve të MAPL-së.

Kryesuesja: Dikush tjetër, nëse nuk ka, konstatojmë me (16) vota për, (9) kundër dhe (2) abstenim miratohet Propozim-vendim për këmbimin e pronës së paluajtshme të komunës së Skenderajt, me pronën e paluajtshme të personit fizik Mujë Hoti.

Vazhdojmë me piken 10 të rendit të ditës:

-Propozim-vendim për këmbimin e pronës së paluajtshme të komunës së Skenderajt, me pronën e paluajtshme të personit fizik juridik Ismet I. Mustafa B.I, me Nr. 02-463/01-0023908/24, të datës 22.05.2024, (Raporton kryetari i komunës n' mungesë drejtoreshës);

Kryetari i Komunës, Fadil Nura: Edhe këtu kemi një Propozim-vendim për këmbimin e pronës së paluajtshme të komunës së Skenderajt, me pronën e paluajtshme të personit fizik juridik Ismet

I. Mustafa B.I, për realizimin e rrugës 17 shkurti, e kemi përfundua këmbimin një pjesë të madhe ka mbet edhe kjo pjesë, materialin e keni përpara, jam këtu për përgjigje.

Kryesuesja: Fjalën ja kaloj;

Osman Smajli-IDEAL: Kryetar prej kur ja keni nis me bë vlerësimin e pronave, së në çdo seancë së pari e kemi bë këmbimin tani e keni bë vlerësimin?

Kryetari i Komunës, Fadil Nura: Ke drejt plotësisht se para një muaj nga MAPL-ja po kërkohet vlerësimi i pronave pa e bërë këmbimin, e me herët nuk ka qenë kështu.

Kryesuesja: Dikush tjetër, nëse nuk ka, konstatojmë me (16) vota për, (9) kundër dhe (0) abstenim miratohet Propozim-vendim për këmbimin e pronës së paluajtshme të komunës së Skenderajt, me pronën e paluajtshme të personit fizik juridik Ismet I. Mustafa B.I.

Vazhdojmë me piken 11 të rendit të ditës:

-Propozim-vendim për rishqyrtimin dhe miratimin e dokumentit Strategjia për Zhvillim Ekonomik Lokal 2024-2028 për Komunën e Skenderajt, të harmonizuar sipas kërkesës së MAPL-së, me Nr.12-313/01-0023818/24, të datës 21.05.2024, (Raporton;

Drejtoresha e DZHENIT-së, Besarta Meha-Ademi; Fjala përshëndetëse, para jush e keni Propozim-vendim për rishqyrtimin dhe miratimin e dokumentit Strategjia për Zhvillim Ekonomik Lokal 2024-2028 për Komunën e Skenderajt, të harmonizuar sipas kërkesës së MAPL-së, që përfshinë përshtatjen në UA, të MAPL-së si dhe në kuadër të objektivave të propozuara nga dy objektivat strategjike, materialin e keni para veti me ndryshime, kush ka pyetje jam këtu për përgjigje.

Kryesuesja: Fjalën ja kaloj;

Hysni Mehani-LVV: I kam dhënë mendimet për këtë strategji, dhe mendoj që është strategjia me kotë, që është gjynah që i ka marr 8 mijë €, ajo kompani, po unë me sa e di sipas ligjit për LVL, a je siguria që kjo kompetencë mundet me ju delegua dikuje tjetër, a e ke bazën ligjore të sigurt, sepse është një kompetencë që kuvendi komunal nuk e delegon.

Floriana Halili-LVV- Fjala përshëndetëse, drejtoresh tek strategjia e zhvillimit tek kultura e sporti, të fokusi kryesor e keni cek edhe promovimi i trashëgimisë kulturore, dhe e kemi pa fokus kryesor e keni pas rrënimin e trashëgimisë kulturore siç ndodhi të shtëpia e kulturës në Runik, deri sa qeveria edhe ja ndaloj atë, a është ky fokusi juaj?

Drejtoresha e DZHENIT-së, Besarta Meha-Ademi; Me ndryshimet që janë bërë, besoj që ky është një prej strategjitë me të mira, i kamë përcjellë me vëmendje gjitha strategjitë që janë miratuar nga komunat tjera, dhe besoj që strategjia jonë është dukshëm me e mirë, me i krahasua me strategjitë tjera.

Kryesuesja: Dikush tjetër, nëse nuk ka, konstatojmë me (16) vota për, (7) kundër dhe (1) abstenim miratohet Propozim-vendim për rishqyrtimin dhe miratimin e dokumentit Strategjia për Zhvillim Ekonomik Lokal 2024-28 për Komunën e Skenderajt, të harmonizuar sipas kërkesës së MAPL-së.

Vazhdojmë me piken 12 të rendit të ditës:

-Propozim-vendim për miratimin e Programit komunal trevjeçar për banim 2024-2026, në Komunën e Skenderajt, me Nr.08-060/01-0023492/24, të datës 20.05.2024, (Raporton;

Drejtoresha e DSHMS-së, Rrezarta Hasani-Ibrahimi; Fjala përshëndetëse, para jush e keni - Propozim-vendim për miratimin e Programit komunal trevjeçar për banim 2024-2026, në Komunën e Skenderajt, ky dokument ka për qëllim të ndihmohen familjet që kanë nevojë për banim social që nuk kanë mundësi vetanake për ta sigurua strehimin, janë të përfshira bonuset e banimit, ndërtimin e shtëpive, renovimin e shtëpive individuale përmes buxhetit të komunës dhe donatorëve të ndryshëm, familjet që janë në kategori sociale, nenave vetushqyese, të riatdhesuarve dhe kategorive të dalura nga lufta.

Kryesuesja: Fjalën ja kaloj;

Hysni Mehani-LVV: E kam një kërkesë, leje punën e banimit, po a ka mundësi personave me nevoja të veçanta me ja siguria një nxemje edhe një person që me mbajt derën hapur, sepse ky është kriter minimal për këta persona, tani me fole për banim social, se e kam përshtypjen këtë po e bëni vetëm me marr një tik, për performanc.

Abdulla Gashi-IDEAL: Drejtoresh a e ke ndërmend me i largua ato familje që i kanë kushtet e mira që kanë shtëpie banës.

Mentor Mehmeti-PDK: Hysni kërkesa e jote është shume legjitime po aj objekt e ka nxemjen që ju ka ofrua prej komunës që dy muaj, që komuna e ka marr si grand dhe e falënderoj drejtoreshën që ka qenë shume e afër më këtë kategori.

Kryesuesja: Fjalën ja kaloj;

Drejtoresha e DSHMS-së, Rrezarta Hasani-Ibrahimi; Handikos ka qenë përfitues i një projekti prej bankës botërorë pikërisht për nxemje vlera ka qenë 9 mijë € dhe DSHMS, ka ndihmua vitin e kaluar prej subvencioneve me vlerë 12,500.00€, për blerjen e pajisjeve fizioterapike dhe nevojave tjera, edhe këtë vite kemi në plan me i ndihmua sipas kërkesave tyre. Sa i përket banesave sociale në shtator skadon kontrata dy vjeçare dhe ka me u bë vlerësim i banorëve.

Kryesuesja: Dikush tjetër, nëse nuk ka, konstatojmë me (16) vota për, (7) kundër dhe (1) abstenim miratohet Propozim-vendim për miratimin e Programit komunal trevjeçar për banim 2024–2026, në Komunën e Skenderajt.

Para së të fillojmë me pikën 13, në bazë të rregullores të kuvendit kryetari i komunës ka drejtë të bëjë propozime për pikë shtesë aty për aty, për shkak së propozimi ka ardhur aty për aty, fjalën ja kaloj;

Kryetari i Komunës Fadil Nura; Për shaka të urgjencës të planifikimit të 18 qershorit, i propozoj këtij kuvendit Propozimi-vendimi, për shpalljen “Qytetar Nderi” të Komunës së Skenderajt z. Bardhyl Mahmuti, një veprimtar i çështjes kombëtar në mënyrë që me 18 qershor ta shpallim qytetar nderi tija japim një epitete tillë.

Kryesuesja: Konstatojmë me (22) vota për, (0) kundër dhe (1) abstenim, futet si pikë shtesë Propozimi-vendimi, për shpalljen “Qytetar Nderi” të Komunës së Skenderajt z. Bardhyl Mahmuti, fjalën ja kaloj kryetarit për sqarime shtesë.

Kryetari i Komunës Fadil Nura; Titulli “Qytetar Nderi” për z. Bardhyl Mahmuti, jepet në shenjë respekti dhe mirënjohje për veprimtari patriotike në shërbim të vendit, për sakrificën si i burgosur politik për kontributin e dhënë në luftën çlirimtare, kontributin e tij si udhëheqës i Grupit Diplomatik të UÇK-së, si dhe për meritat në ndërgjegjësimin e opinionit ndërkombëtar për krimet e gjenocidit të kryera nga shteti serb ndajë shqiptarëve gjatë luftës 1998-1999. Me miratimin e këtij vendimi, Titulli “Qytetar Nderi” të Komunës së Skenderajt, do të ndahet në seancën solemne, që do të mbahet me 18 Qershor, me rastin e shënimit të Ditës së Çlirimit të Skenderajt

Kryesuesja: E hap debatin, nëse nuk ka, Konstatojmë me (22) vota për, (0) kundër dhe (1) abstenim, miratohet, Propozimi-vendimi, për shpalljen “Qytetar Nderi” të Komunës së Skenderajt z. Bardhyl Mahmuti,

Vazhdojmë me piken 14 të rendit të ditës:

-Pyetjet e këshilltarëve nën piken të ndryshme, fjalën ja kaloj:

Afrim Kabashi-IDEAL: 1. Për Kryetarin Fadil Nura: Kryetar deri ku ka arrite projekti në realizimin e fabrikës së industrisë së drurit dhe prodhimeve të betonit në Fshatin Polac, i miratuar në dhënien e shfrytëzimit afatgjatë deri 99 vite nga kuvendi komunal në seancën e datës 29.04.2022. Po ashtu kryetar a keni mundësi të na njoftoni deri ku ka arritur të konkretizohet “Projekti Solar në fshatin Leçinë” ku kuvendi komunal ka dhënë pëlqimin në këtë projekt? 2. Për

Drejtorin për Urbanizëm Ylber Morina: Drejtor a mund që me mundësit buxhetore për këtë vit të intervenoni në rrugën "Martiret e Polacit" prapa xhamisë e cila është e dëmtuar jashtëzakonisht shumë, dhe kërkohet në intervenim nga banoret e asaj lagje!

Kryesuesja: Fjalën ja kaloj:

Kryetari i Komunës, Fadil Nura: Afrim kontratën e kemi të nënshkruar me operatorin ekonomik e kemi afatet nëse nuk ju përmbahet kontratës ja shkëputem e shfuqizojmë vendimin dhe toka ju kthehet komunës. Për parkun solar kjo kompetencë ka kalua në nivel qendror në ministrin e bujqësisë, nuk e di çka ka ndodh, dhe nuk është me kompetencë komunale.

Drejtori i DUMA-së, Ylber Morina: Afrim rrugën prapa xhamisë e kemi identifikuar ajo rrugë është a asfaltuar po ka nevojë për mirëmbajtje, e kemi një kompani të kontraktuar për mirëmbajtje të shohim kemi me përfundua.

Naser Bajraktari-IDEAL: Pyetje për Drejtorin e Urbanizmit: Për Tribunat e stadiumit a pritet me fillua në këtë vit se veç javë kini rrënuar lokalet dhe s'është kah punohet hiq u banë 5 muaji kurse ata njerëz tu prit për lokale?

Kryesuesja: Fjalën ja kaloj:

Drejtori i DUMA-së, Ylber Morina: Jemi në ngjarje punët nuk janë duke u zhvilluar të stadiumi, para një jave operatorit ja këna dërgua një shkresë, dhe ja këna dhënë një afat ligjor për me ja fillua punën, po ekspertet e drejtorisë së urbanizmit dhe operatori ekonomik e kanë konstatua një gjetje aty, së ka ujëra nëntokësorë dhe për atë punimet nuk po munden me u zhvilluar, po shumë shpejt masi të largohet ujë kanë me fillua punimet, paret janë, nëse nuk punohet ja shkëputem kontratën.

Abdulla Gashi-IDEAL: Pyetje për Drejtorin e urbanizmit: 1. Drejtor, a ke mundësi me tregu diçka për ujësjellësin që iu mundëson ujë të pijshëm fshatit Kryshec dhe Marine, kur pritet me fillua ky projekt, pasi që është bere matja prej lokacionit Rezalle deri në Kryshec, si dhe në buxhet e keni parapare për vitin 2024 këtë ujësjellës? 2. Drejtor, a ke mundësi me na sqarua diçka për rrugën e Kozhices, a pritet me e qua këtë rrugë deri në Qyqavice apo u ndërpre, e nëse nuk është ndërpre pse nuk po vazhdoni me e qua rrugën deri në Qyqavice. 3. Drejtor, a ke mundësi me na sqarua diçka sa i përket kanalizimeve në fshatin Mikushnice, në disa lagje siç janë lagja "Shabani", lagja "Ferizi", lagja "Islami", lagja "Zenuni", pse nuk janë të kryera kanalizimet edhe a keni parapare për këtë vit që këto kanalizime të përfundojnë? Ju lutem na sqaroni

Kryesuesja: Fjalën ja kaloj:

Drejtori i DUMA-së, Ylber Morina: Një projekte për ujësjellës është duke u zhvillua, projekti në Burojë, Polac, dhe në Burojë kanë me përfundua kyqjet individuale dhe ky projekt do të vazhdoj edhe në Kryshec, Polac, Marinë, po edhe kyqjet individuale. Projekti i rrugës për Qiqavic e kemi një pengës me Agjensionin e Pyjeve, kemi bërë kërkesë, ende nuk na kanë kthyer përgjigje jemi tu prit, po se shpejti ka me fillua. Kanalizimi në Mikushnic është një projekt prej pandeminë, po për shkak të mungesës së buxhetit janë ndërpre punimet dhe nuk kanë filluar më për shkak të rritjes së çmimeve, dhe kompania ka paraqitë kërkesë për shkëputjen e kontratës, dhe nuk ka një planifikim në buxhet për atë projekt.

Kryesuesja; Faleminderit, dikush tjetër, nëse nuk ka, me kaq mbyllet ky takimi, shihemi në mbledhjen tjetër.

Procesmbajtësi



Kryesuesja e Kuvendit